

Pengawasan harian tanah gambut Miri memanfaatkan dron

la pantau kebakaran di kawasan tanah gambut selain mengawasi kegiatan pembakaran terbuka: Lee



CANGGIH: Lee (dua kiri) menunjukkan dron yang akan digunakan untuk kerja-kerja pengawasan sebagai langkah pencegahan bagi mengatasi masalah kebakaran tanah gambut di Miri, sambil disaksikan Law (dua kanan), Abdul Aziz (tengah) dan yang lain.

Oleh Clare Cinderella

MIRI: Lembaga Sumber Asli dan Alam Sekitar (NREB) Miri dan Jabatan Alam Sekitar (JAS) Miri akan menggunakan teknologi dron untuk memantau kawasan tanah gambut di sini.

Menteri Pengangkutan Sarawak Datuk Lee Kim Shin berkata, dron digunakan bagi memantau jika berlaku kebakaran di kawasan tanah gambut di sini menjelang musim kering ketika ini selain mengawasi kegiatan pembakaran terbuka.

Beliau memberitahu demikian selepas melakukan lawatan ke menara tinjau Tudan di sini, semalam.

Turut serta dalam lawatan itu ialah Pemangku Residen Bahagian Miri Abdul Aziz Mohd Yusof, Ketua Jabatan Bomba dan Penyelamat Malaysia Zon 6 Miri Superintenden Law Poh Kiong, wakil dari JAS Miri, NREB Miri, Majlis Bandaraya Miri

“Mulai semalam (Sabtu), RELA Miri telah menempatkan beberapa anggotanya di menara tinjau ini (Tudan) untuk memantau dan memberi amaran kepada agensi-agensi yang berkaitan sekiranya ada kegiatan pembakaran terbuka atau insiden kebakaran tanah gambut yang berlaku di kawasan sekitar kawasan ini.”

Datuk Lee Kim Shin
Menteri Pengangkutan Sarawak

(MBM), Pejabat Daerah Miri dan Jabatan Sukarawan Malaysia (RELA). Lee yang juga ADUN Senadin memberitahu, beliau telah menerima beberapa laporan mengenai beberapa aktiviti pembakaran terbuka yang menyebabkan kejadian kebakaran kecil di kawasan Kuala Baram minggu lalu.

Kejadian kebakaran kecil itu katanya, disebabkan beberapa pekebun yang melakukan aktiviti pem-

bakaran terbuka untuk tujuan bercucuk tanam.

Berikutan musim kering yang dijangka melanda bahagian ini dalam beberapa bulan akan datang, Lee berkata Jawatankuasa Pengurusan Bencana Bahagian (JPBB) Miri bimbang kegiatan pembakaran terbuka seperti itu akan mengakibatkan kebakaran tanah gambut sekali gus menyebabkan jerebu di bandar raya ini.

Justeru, bagi menangani isu ini dari awal, Lee bersama beberapa pegawai berkaitan dalam JPBB Miri melawat menara peninjau tersebut semalam, bagi mengenal pasti beberapa langkah pencegahan segera untuk mengatasi masalah kebakaran di kawasan tanah gambut itu.

Beliau mahu jabatan berkaitan turut memulakan persiapan segera untuk menghadapi masalah pembakaran terbuka di kawasan rawan kebakaran terutama di Kuala Baram, Tudan dan Permyjaya yang meliputi sebahagian besar kawasan tanah gambut di Miri.

“Mulai semalam (Sabtu), RELA Miri telah menempatkan beberapa anggotanya di menara tinjau ini (Tudan) untuk memantau dan memberi amaran kepada agensi-agensi yang berkaitan sekiranya ada kegiatan pembakaran terbuka atau insiden kebakaran tanah gambut yang berlaku di kawasan sekitar kawasan ini,” katanya.